

# Psalm svizzer

Text: Gion Antoni Bühler (1825-1897)

Melodie: Alberich Zwyszig, 1835

En l'au-ro - ra la da-maun ta sa-li - da il carst-gaun,  
 spiert e-tern do - mi - na-tur. Tut - pus - sent! Cur ch'ìls munts strag -  
 li - schan su - ra, u - ra li - ber Sviz - zer, u - ra.  
 Mi - a ol - ma sen - ta ferm, mi - a ol - ma sen - ta ferm Dieu en tschiel, il  
 bab e - tern, Dieu en tschiel, il bab, il bab e - tern.

- |   |   |
|---|---|
| <p>1. En l'aurora la damaun ta salida il carstgaun,<br/>             spiert etern dominatur, Tutpussent!<br/>             Cur ch'ìls munts straglischan sura,<br/>             ura liber Svizzer, ura.<br/>             Mia olma senta ferm,<br/>             mia olma senta ferm<br/>             Dieu en tschiel, il bab etern,<br/>             Dieu en tschiel, il bab, il bab etern.</p>       | <p>3. Ti a nus es er preschent en il stgir dal firmament,<br/>             ti inperscrutabel spiert, Tutpussent!<br/>             Tschiel e terra t'obedeschan<br/>             vents e nivels secundeschan.<br/>             Mia olma senta ferm,<br/>             mia olma senta ferm<br/>             Dieu en tschiel, il bab etern,<br/>             Dieu en tschiel, il bab, il bab etern.</p> |
| <p>2. Er la saira en splendor da las stailas en l'azur<br/>             tai chattain nus, creatur, Tutpussent!<br/>             Cur ch'il firmament sclerescha en noss cors<br/>             fidanza crescha.<br/>             Mia olma senta ferm,<br/>             mia olma senta ferm<br/>             Dieu en tschiel, il bab etern,<br/>             Dieu en tschiel, il bab, il bab etern</p> | <p>4. Cur la furia da l'orcan fa tremblar il cor uman<br/>             alur das ti a nus vigur, Tutpussent!<br/>             Ed en temporal sgarschaivel<br/>             stas ti franc a nus fidaivel.<br/>             Mia olma senta ferm,<br/>             mia olma senta ferm<br/>             Dieu en tschiel, il bab etern,<br/>             Dieu en tschiel, il bab, il bab etern.</p>      |